

Mid-Day Dogri News Bulletin, 22nd Feb. 2025

समे – 12:25

<><><><><><>

CM-CII

जम्मू कश्मीर च आर्थिक पाकरस्थितिकी प्रणाली गी बढ़ावा देने लेई मुख्मन्त्री उमर अब्दुल्ला होरें जिम्मेदार उद्यमी जौर तरीके अपनाने दी लोड़ पर जोर पाया हैं मुख्मन्त्री होरें एह गल्ल कल श्रीनगर च भारतीय उद्योग महासंघ दे जम्मू कश्मीर सलाना स? 2025 गी संबोधत करदे होई आक्खी जेह्दा शीर्षक हा “नमें विकास दे लक्ष्यें दी तांग लेइयै अगगे बधदा”। जम्मू कश्मीर, जम्मू कश्मीर च निवेशें गी बधाने दी पैरवी करदे होई मुख्मन्त्री होरें इस गल्लै पर जोर पाया जे निवेश दे सनें इस गल्लै पर ध्यान देना लोड़चदा ले साढ़ी जमीन दी राक्खी हिफाजत लेई सुरक्षा कनूनें दी बवस्था दे कन्नो कन्नी मकामी युवाएं लेई रोजगार दे मते मते मौके उपलब्ध करोआनी जकीनी बनाना लोड़चदा। उनें हिमाचल प्रदेश दी मिसाल दिंदे होई आखेआ जे इस चाल्ली दे कनूनें कन्नै जिमीं सुरक्षा जकीनी बनाग ते कन्नै गै मकामी चुनाएं लेई रोजगार जकीनी बनाया जाग। खाद्य नागरिक बानूति ते उपभोक्ता मामले दे मंत्री सतीश शर्मा होरें इस कार्यक्रम च मानजोग परौहने दे तौर पर शिरकत कीती।

<><><><><><>

Amit Shah

गृहमन्त्री अमित शाह होरें जोर देइयै आखेआ जे जनजातीय समुदायें दा सशक्तिकरण ते विकास गी सरकार दी प्राथमिकता ऐ। उनें कल गुजरात भवन नमीं दिल्ली च ग्रामीण ते जनजातीय समुदायें दे विद्यार्थिं कन्नै पढ़ाई लिखाई दे विषय पर गल्लबात कीती। एह विद्यार्थी गुजरात दे डारो जिले दे संतोक ढोलकिया विद्यामंदर थमां आए दे हे। गल्लबात च गृहमन्त्री होरें आखेआ जे प्रधानमन्त्री नरेन्द्र मोदी होरें जनजातीय समुदायें गी स्वतंत्रता मगरा चंदी पंछान उपलब्ध कराई ऐ। उनें आखेआ जे विद्यार्थी मुख्य दी तरक्की आस्तै इक बड्डी नीह न जिंदी कड़ी मेहनत ते लगन भारत गी नमीं उंचाइं पर लेइयै जाग। एह पैहलकदमी केन्द्री गृहमन्त्री हुंदी नोजवानें कन्नै सिद्धे तौरा पर गल्लबात करने ते उनेंगी बढ़ावा देने दी वचनबद्धता दा इक हिस्सा ऐ।

<><><><><><>

Mahakumbh

प्रयागराज महाकुंभ च 59 करोड़ 31 लख कोला मते लोक संगम स्नान करी चुके न ते श्रद्धालुएं दे जोश च कुसै चाल्ली दी कोई कमी होंदी नजर नेई आवा करदी। केई बड्डी हस्तिएं सनें तकरीबन इक करोड़ 28 लख भक्ते कल संगम च पवि? चलोबी लाई। अज्ज प्रमुख श्रेष्ठ लोकें थमां केन्द्री मंत्री ते बीजेपी दे राष्ट्रीय अध्यक्ष जे.पी.नड्डा होरें संगम च चलोबी लांगन ते प्रार्थना करगन। इंदे कन्नै उत्तर प्रदेश दे मुख्यमंत्री योगी आदित्यनाथ होर बी मजूद होंगन।



PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 23 फरवरी गी देश विदेश च रौहने आले श्रोताएं कन्नै बचार सांझे करगन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 119मीं किश्त होग। कार्यक्रम च शामिल करने लेई लोक अपने बचार ते सुझाह 21 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग।



Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बशकार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफतर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी

क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उपपर 07 मार्च 2025
थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी
दी वेबसाइट www.newsonair.gov.in पर उपलब्ध ऐ।

<><><><><><>

DC Udhampur

डिप्टी कमीशनर सलोनी राय होरें लोकें दे प्रतिनिधिएं ते राई-बाई कन्नै जुड़े दे मैहकमे दे
अधिकारिएं कन्नै इक बैठक लाई जेहदे च लाभार्थिएं दे पंजीकरण ते एचएडीपी स्कीम तैहत
राई-बाई आस्तै लोन उपलब्ध करोआने जनेह मामलें दी समीक्षा कीती। डीसी होरें करसानें
गी लोन हासल कराने ते राई-बाई कन्नै सरबंधी खेत्तरें गी मजबूत करने दे महत्व उपपर
जोर भरेआ। उनें अफसरें ते बैंकें गी आखेआ ऐ जे ओह हितधारकें दी मती हिस्सेदारी गी
बढ़ावा देन ते सरकार दी पैहलकदमिएं दा समर्थन करन। डीसी होरें सब्बने मैहकमे ते बैंकें
गी निर्देश दित्ते जे ओह मती शा मती पुल्ल गी जकीनी बनान, तां जे इनें योजनाएं तैहत
जिले दे हर करसान ते ओहदे परोआर गी शामिल कीता जा।

<><><><><><>

DC Poonch

पुंछ दे डिप्टी कमीशनर विकास कुंडल होरें जिले च सेहत सरबंधी योजनाएं गी लागू करने
ते मरीजें दी दिक्खभाल सरबंधी स्थिति दा जायजा लैने आस्तै इक बैठक दी अध्यक्षता कीती।
बैठक दी शुरुआत करदे होई डिप्टी कमीशनर होरें सेहत योजनाएं, सेहत केन्द्रें दे कम्मकाज,
बुनियादी ढांचे ते मरीजें गी उपलब्ध करोआई जाने आली सेहत सेवाएं तैहत उपलब्धिएं दा
व्यापक जायजा लैता।

<><><><><><>

ICC Cricket

आईसीसी चैंपियन्स ट्रॉफी च अज्ज लाहोर दे गद्दाफी स्टेडियम च आस्ट्रेलिया ते इंग्लैंड
बशकार मकाबला होग। मैच भारतीय समें मताबक दपैहरी ढाई बजे शुरू होग। एहदे ICC
Cricket

आईसीसी चैंपियन्स ट्रॉफी च अज्ज लाहोर दे गद्दाफी स्टेडियम च आस्ट्रेलिया ते इंग्लैंड
बशकार मकाबला होग। चोट लग्गे दे पैट कमिंस दे मैच नेई खेड्डने कारण स्टीव स्मिथ गी

प्रतियोगिता च आस्ट्रेलिया दी कप्तानी करने दी जिम्मेदारी सौंपी गेदी ऐं कमिंस दे इलावा मिचेल स्टार्क, मिचेल मार्श, मार्कास स्टोइनिस ते जोश हेजलवुड जनेए शानदार खडारिएं दी कमी बी अज्जै दे मैच च सब्बने गी खल्लोग की जे आस्ट्रेलिया गी मजबूरी च घट्ट तर्जुबेकार गेंदबाजे गी मैदान च तोआरना पवा करदा ऐ। तोआई दूर्ई बक्खी हाल च गै भारत कोला श्रृंखला 3—0 कन्नै हारने आली इंग्लैंड दी टीम बी अज्ज प्रतियोगिता च अपनी शुरूआत करा करदा ऐ। मैच भारतीय समें मताबक दपैहरी ढाई बजे शुरू होग। एहदे शा पैह्ले दक्खन अफ्रीका नै कराची दे नैशनल स्टेडियम च अफगानिस्तान दे खलाफ 107 रंज दी बड्डी जित्त कन्नै अपना अभियान शुरू कीता। दक्ख अफ्रीका दी तरफा रेआन रिकल्टन ने अपने करियर दा पैह्ला शतक बनाया ओह्दे कन्नै एडन माक्रम ते डेविड मिलर नै आतिशी पारियां खेडिड्यै दक्खन अफ्रीका दे स्कोर गी 6 विकटें दे नुक्सान उप्पर 315 रंज तोड़ी पजाया। एह्दे परैंत अफगानिस्तान दी तरफा रहमत शाह ने 90 रंजें दी पारी खेड्डी पर ओह्दी एह् पारी अफगानिस्तान गी होर थमां नेई बचाई सकी।

<><><><><><>